

## NONVS.

Deinde à puncto b, erigatur b,m, perpendicularis super a,g, quæ erit linea medijs motus Solis in his duabus considerationibus. Sitq; circulus epicycli k,l, super centro e, descriptus, quem contingant b,k, & b,l, in punctis k, & l, ductis duabus semidiametris e,k, & e,l, à puncto e, ad lineam a,g, demitto perpendicularē e,h, & continuabo e, cum b, linea e,b, erit itaq; punctus h, quem quærimus, cum linea b, m, supponatur etiam medijs motus Mercurij. Quia autem aggregatum ex duabus longitudinibus maioribus est notum, erit medietas eius nota, & est angulus e,b,l. Et erit proportio e,l, ad e,b, nota, cum angulus l, sit rectus. Item dempto angulo e,b,m, longitudinis matutinæ noto, ab angulo e,b,l, manebit angulus e,b,m, notus, cui equatur angulus b,e,h, propter linearum h,e,b,m, æquidistantiam. Et quoniam angulus h, est rectus, erit proportio e,b, ad b,h, nota. Sed iam nota fuit proportio e,b, ad b,l, quare etiam proportio e,l, semidiametri circuli epicycli ad b,h, nota dabitur. Sed superius erat proportio e, l, ad z, b, nota, erit igitur proportio z,b, ad b,h, nota. Sic Ptolemæus in partibus quibus inuenit z,b, esse 10. partes, & 15. m, reperit b,h, fore 5. partes 12. m. Ideoq; punctus h, ferè in medio est inter 3. & b, quod fuit ostendendum. Tu uero non credas necessarium esse, ut in ambabus huiusmodi considerationibus medius locus Mercurij distet à longitudine longiori per quartam circuli, imò potes accipere distantiam ad libitum quantum libet. Huius tamen executionem, quia plana est, missam facio.

## PROPOSITIO XVIII.

Quantum circulus centrum reuoluens eccentrici semidiametrum habeat absoluere.

¶ Manente priori configuratione, à puncto z, educatur uersus sinistram perpendicularis ad linea a,g, quæ sit z,n, æqualis linea z,a, ita quod utraq; earum ex semidiametro eccentrici, & semidiametro parui circuli constet. Dum autem centrum epicycli in e, puncto fuerit, erit propter motuum similitudinem, & in contrarias positiones centrum eccentrici in linea z,n. Sit igitur ipsum centrum eccentrici punctus m, quæritur itaq; linea z,m, hoc pacto. Angulus m,z,h, est rectus, & angulus e,z,h, à recto parum differens, quare duæ lineaæ n,z, & z,e, ferè directe sibi coniuncte sunt ex una linea. Ex 15, autem huius a,z, respectu semidiametri epicycli reddebatur cognita, fuit enim a,z, 10 9. partes 35. mi, & semidiameter epicycli 39. partes 9. mi, quare z,n, nota. Sed ex præcedenti nota fuit b,e, eodem respectu, cui æqualis est z,e, quare n,z,e, tanquam recta est nota, & eius medietas n,m, sine m,z,e, nota, & haec est semidiameter eccentrici, dempta igitur m,n, ex n,z, relinquitur m,z, nota, & æqualis ferè lineaæ z,h, cuius petebatur scientia.

¶ Quod si præcisius eniti uoles omnia ut in hac figura, lineaæ n,e, & m,e, rectas producito, & quia ex præcedenti linea b,h, ex suis suppositis præcise reperta fuit respectu lineaæ b,z, mansit etiam linea h,z, nota præcise. Sed e,h, nota erit propter lineaæ e,b, & b,h, notas, & angulum h,rectum. Similiter e,z, fiet cognita, & angulus e,z,h, notus, unde totus angulus e,z,n, scitus ueniet. Sed trianguli z,e,n, duo latera n,z, & z,e, iam nota sunt, & angulus quem ipsa continent, quare angulus z,n,e, cognitus erit, qui æqualis est angulo m,e,n, cum utraq; linearum n,m, & m,e, sit semidiametro eccentrici æqualis. Erit itaq; angulus z,m,e, extrinsecus cognitus. Triangulus itaq;

O z,e,m,

